

THEOLOGORVM  
VENETORVM

IOAN. MARSILII,

PAVLI VENETI,

FR. FVLGENTII,

*Ad Excommunicationis, Citationis, &  
Monitionis Romane; Sententiam  
in ipsos latam*

RESPONSIO.



VENETIIS,


Apud ROBERTVM MEIETTI.

---

M. DC. LXXIII.

4 A M





IOANNES MARSILIVS  
Presbyter Neapolitanus Sacrae  
Theologiae Doctor.

*CATHOLICÆ VERITATIS*  
*audienda studiosis S.*



VERBUM Dei non est  
alligatum, inquit Paulus  
2. ad Tim.2. Idcirco vo-  
bis (Catholicæ Veritatis  
Studioſi) per me nota fieri his lite-  
ris nonnulla oportet, quæ ſi nunc  
diſſimularem, poſtea ſine fructu di-  
cerem cum Propheta Pſalm.31. quo-  
niam tacui inueterauerunt oſſa mea,  
ab illis, qui vt Paulo V. R. Pontifici  
rem gratiam facerent Venetam  
Chriſtianiſſimam, atque à ſuo exor-  
tu ſemper Catholicam Rempubli-

4 D. IOAN. MARSILIUS  
cam suis scriptis hætenus persecuti  
sunt. Multi libelli partim tacitis,  
partim ementitis, partim propriis  
præpositis nominibus in lucem edi-  
ti fuerunt. In quibus plerique Viri  
Docti, atque Catholici præter mul-  
tas Propositiones suspectas de hære-  
si, erroneas, temerarias, scandalo-  
sas, seditiosas, calumniosas, de iure,  
& de facto manifesto falsas, nonnul-  
las etiam Hæreticas : quarum oppo-  
sitæ expressè leguntur in Sacra Scri-  
ptura ab ipsis auctoribus minus for-  
tasse consideratè prolatas fuisse ani-  
maduerterunt, inter quas præcipuè  
sequentes numerantur.

Prima est : *Principes seculares nul-  
lam habere potestatem supra clericos  
habitantes in suis Dominis neque de  
iure diuino, neque de iure humano.*  
Hæc propositio habetur in Respon-  
sione Bellarm. ad Octo Propositio-  
nes.

*ad Cathol. Verit. STUDIOSOS.* 5  
nes. propositione 1. §. 1. & clarius in  
Responsione ad oppositiones R. P.  
M. Pauli §. 3. Cuius opposita est illa  
prima Petri. cap. 2. qui cum illos ad  
quos scribebat appellasset *gentem  
sanctam, & regale Sacerdotium*, sic  
concludit: *Subiecti igitur estote omni  
humanae creaturae propter Deum, siue  
Regi quasi precellenti, siue Ducibus  
tanquam à Deo missis ad vindictam  
malefactorum, laudem vero bonorum,  
quia sic est voluntas Dei.* Vbi expref-  
sè loquitur de subiectione in Iudi-  
ciis, quam subiectionem dicit esse  
ex voluntate Dei, ac proinde de iu-  
re diuino. Est etiam manifestè con-  
tra Paulum ad Romanos cap. 13. *Om-  
nis anima potestatibus sublimioribus  
subdita sit.* vbi cum *omnem* dicit, ne-  
minem excipit. & loquitur literaliter  
de Principibus secularibus con-  
tra Hæresim modernam Anabapti-

starum, quæ iam tum insurgebat, quæque negat esse vllam potestatem laicam de iure diuino, quæ, proh dolor, nunc videtur nimium inualescere.

Secunda est: *Potestatem Principis super laicos non esse de iure diuino.* Hæc habetur in Respon. Bellarmini, ad Propos. 5. §. ultimo. Cuius opposita est Sap. 6. vbi conuertens Sapientia Dei ad reges sermones suos: *data, inquit, est à Domino. Potestas vobis.* Prou. 8. *Per me Reges regnant,* Matth. 22. *Reddite quæ sunt Cesaris Cesari.* Ad Rom. 13. *omnis potestas est à Deo.* prima Petri c. 2. *Subiecti, estote omni humana creatura propter Deum, siue regi quasi præcellenti, siue Ducibus tamquam à Deo missis in vindictam malorum, laudem vero bonorum, quia sic est voluntas Dei.*

Tertia est: *Potestatem, quam Christus*

ad Cathol. Verit. STUDIOSOS. 7

*stus Dominus dedit Petro, & successoribus eius tanquam suis Vicariis esse illimitatam, & absolutam. Habetur hæc Propos. in Responsione Bellarmin. ad propos. 4. §. I. Cuius oppositæ sunt omnes illæ in quibus est ipsius potestatis limitatio: videlicet: Exemplum dedi vobis, ut quemadmodum ego feci ita & vos faciatis, Io. 13. Reges gentium dominantur eorum: vos autem non sic. Lucæ 22. Sicut misit me pater, & ego mitto vos. Io. 20. Non est discipulus super magistrum, Io. 13. præterquam quod est erroneum dicere etiam omnem Christi spirituales potestatem fuisse ab eo, Petro, & successoribus eius communicatam, ut Theologi omnes fatentur.*

*Quarta est: S. Paulum fuisse Predicatorem gentium, & non Christi Vicarium. Hæc habetur in libello*

A 4 illo

8 D. IOAN. MARSILIVS

illo famoso edito clementito nomine  
Io. cuiusdam Philothei Bononiæ in  
Typographia Archiepiscopali in  
Responsione ad obiectionem XVI.  
Cuius opposita est apud ipsummet  
Paulum ad Galatas. cap. 2. vbi ratio-  
nem reddens cur restiterit in faciem  
Petro, eo quod non rectè ambula-  
ret in veritatem Euangelij. *Qui in-*  
*quit, operatus est Petro in Apostolatum*  
*circumcisionis, operatus est & mihi in-*  
*ter gentes.* Et in Canone Catholicæ,  
& vniuersalis Ecclesiæ : *Vt gregem*  
*tuum Pastor eterne non deferas, sed*  
*per beatos Apostolos tuos continua*  
*protectione custodias, quos operis tui*  
*Vicarios, eidem contulisti præesse.*  
Pastores fuerunt enim omnes Apo-  
stoli Christi Vicarij æqualis auctori-  
tatis, omnes episcopos creauerunt,  
omnibus dictum est : *Quæcumque*  
*alligaueritis super terram, erunt*  
*ligata*



*ad Cathol. Verit. STUDIOſOS. 9*  
*ligata & in cælis.*

Quinta est, *Qui Hostiam à Sacerdote interdicto consecratam adorant esse Idololatrias.* Habetur in multis manuscriptis instructionibus à quibusdam profugis religiosis suis poenitentibus relictis. Huius opposita expressè est Matth. 26. *Hæc quotiescumque feceritis, facite in meam commemorationem.* non enim ablata potestate Iurisdictionis auferri potest Potestas ordinis per indelebilem characterem impressa, imo neque omnino auferri potest potestas etiâ iurisdictionis V. C. in casu necessitatis, licet contrarium habeatur in illa instructione ad populos impressa, sine nomine auctoris, & loci Impressionis, de qua infra.

Has Propositiones, dum ego non tanquam Iudex, neque enim me æstimo supra id quod sum, sed tan-

10 D. IOAN. MARSILIVS  
quam Catholicus, ac priuatus Do-  
ctor, pro Ecclesiæ vtilitate discutio,  
& pro defensione Iustissimæ causæ  
DD. meorum Venetorum exami-  
no, non sapiens plusquam oportet  
sapere, sed ad sobrietatem nimi-  
rum, vt saltem ab auctoribus ad re-  
mouendum scandalum explicentur,  
qua in re cum ipsi Pontifici, tum Ec-  
clesiæ vniuersæ sine dubio præstatur  
obsequium: Scheda tenoris se-  
quentis contra me Romæ affixa, &  
publicata fuit ad instantiam cuius-  
dam Ludouici Boidi fiscalis, vt ipse  
se nominat.

*De*

*De Mandato Illuſtriſſimorum & Reuerendiſſimorum DD. Cardinalium contra hæreticam prauitatem generalium Inquiſitorum.*

**H**ic denunciatur, excommuni-  
catus presbyter Ioannes Mar-  
filius de Neapoli Venetiis degens  
ex aduerso principalis, & declaratur  
incidisse, & incurrisse in poenam ex-  
communicationis maioris latæ sen-  
tentiae, confiscationis omnium, &  
singulorum bonorum suorum mo-  
bilium & immobilium, iurium &  
actionum præsentium & futurorum,  
priuationis omnium, & singulorum  
beneficiorum Ecclesiasticorum, pen-  
sionum, officiorum, & dignitatum  
quarumcunque, inhabilitatisque ad  
illa & ad alia in futurum obtinenda,  
& in alias poenas, & censuras Eccle-  
siasticas contentas in litteris moni-

12 D. IOAN. MARSILIUS  
torialibus, & citatoriis contra ipsum  
decretis, exequutis, & in actis iudi-  
cialiter reproductis, ob illarum non  
paritionem. Instante R. D. Ludoui-  
co Boido Procuratore fiscali S. Ro-  
manæ, & vniuersalis Inquisitionis.

*Locus sigilli.*

*Quintilianus Adrianus Not.*

Romæ ex Typographia Vaticana. 1606.

**Q**Uam ego appellatam denun-  
ciationem, vt legi, statim nul-  
lam, atque inualidam esse salua re-  
uerentia, quam Sedi Apostolicæ  
semper detuli, tenui, atque defen-  
di, quod etiam hoc meo scripto  
nunc teneo, defendo, vobisque om-  
nibus notum ac manifestum esse ve-  
hementer cupio: primo quia de nu-  
mero Iudicum expressè, ac singilla-  
rim non excipitur Cardinalis Bel-  
larminus, qui contra me scripsit, &  
quem

*ad Cathol. Verit.* SERVILIOS. 13.  
quem contra ego scripsi, scribóque;  
qui meus est Publicus, & Notorius  
aduersarius: secundo quia cum lite-  
ris citatoriis & monitorialibus, de  
quibus in ea mentio fit, ob iustissi-  
mas causas parere nec debuerim,  
nec potuerim, cunque meæ literæ  
Protestationis, Excusationis, Peti-  
tionis, Oblationis, Professionis fidei,  
Dictionis de nullitate, & in casu quo  
&c. Appellationis coram Notario,  
& Testibus præsentatæ, acceptatæ,  
& Romam à Ministris Sancti Officii  
Inquisitionis Venetiarum transmissæ,  
imo typis impressæ, & pro iusti-  
tia meæ causæ per multa loca diffu-  
sæ fuerint, nihilominus prædicti iu-  
dices de illis nulla facta mentione  
ad sententiam processerunt, quam  
etiam callidè sine nota Diei prola-  
tionis ipsius, siue affixionis impres-  
ferunt. Quod vt clarius omnibus  
constet

constet meas literas, quibus ipforum literis citatoriis respondi, facta prius occasionis mentione, quare citatus fuerim, hic subiiciam.

Postquam quidam Religiosi qui ob interdictum à Paulo Quinto Romano Pontifice, contra Remp. Venetam publicatum, quamvis nullum, & Matricis Ecclesiæ exemplum non sequentes, sicut ipsis à Sacris Canonibus præscribitur, Venetiis discesserunt, atque alij ex ipsis tanquam seditiosi, & Reipublicæ perniciosi dimissi cum custodiis fuerunt. Quædam Instructio directa ad Populos Status Veneti, qui interdictum tanquam nullum non obseruabant, typisque mandata per templa, & publicas vias disseminata fuit, sine nomine auctoris, & loci impressionis ab iis sine dubio transmissa, qui Ecclesiæ causam tueri se falso gloriantur,

*ad Cathol. Verit.* STVDIOSOS. IS  
gloriantur, qui libellus manifestam  
hæresim continet, vt ipsi etiam ad-  
uersarij confitentur, cum ergo pri-  
mum visus fuit, vt obuiam tanto ire-  
tur malo, Quædam Propositiones,  
quæ octo dicuntur Catholicam con-  
tinentes doctrinam ex aduerso im-  
pressæ visæ sunt sine nomine aucto-  
ris, & loci impressionis ad exem-  
plum iam dictæ instructionis. Has  
mihi Romæ tribui à quibusdam Car-  
dinalibus per viros fide dignos lit-  
teris admonitus fui, & nisi illas re-  
tractarem, vel me excusarem, fore,  
vt breui grauissimis poenis, illi qui  
apud Pontificem ipsius vindices iu-  
re, siue iniuria videri volunt, me  
persequerentur, quas vt euitarem,  
cum iam conceptam opinionem ex  
animis hominum aliter non possem  
euellere, dictas Propositiones, iusto  
volumine aduersus Cardinalem Bel-  
larminum

16 D. IOAN. MARSILIUS  
larminum Catholicis auctoritatibus, rationibusque defendi, quam etiam Defensionem Sanctæ Ecclesiæ Catholicæ, quæ errare non potest, iudicio subieci, interim Romam super generalia citatus fui ad Respondendum de fide, cui ego citationi, cum in nullo mea me conscientia remorderet sequentibus litteris Protestatoriis, &c. respondi.

*Pro D. Ioan. Marsilio Presbytero Neapolitano Sacræ Theologiæ  
Doctore.*

**C**oram vobis Reuerendo P. Inquisitore Generali Venetiarum comparuit Dominus Ioannes Marsilius Presbyter Neapolitanus Sacræ Theologiæ Doctor, & exposuit qualiter ad eius notitiam peruenit: quod Romæ affixæ fuerint, & publicatæ quædam literæ citatoriæ, fine



siue monitoriæ, in quibus ad instantiam Reuerendi D. Ludouici Boidi I. V. D. Sanctæ Romanæ & Vniuersalis Inquisitionis Procuratoris fiscalis, tanquam per edictum publicum ab Illustrissimis, & Reuerendissimis DD. Cardinalibus Generalibus Inquisitoribus, ipse comparens citatus fuit, attento quod iudicialiter constaret ad præfatum comparentem non patere tutum accessum, & notorium esset in eius propria persona literas eiusmodi citatorias, ac monitoriales exequi non posse, ad personaliter comparendum in Romana Curia in Officio Sanctæ Inquisitionis, & respondendum coram ipsis, vel eorum commissario generali de fide, ac se expurgandum ab obiectis de quibus in processu sub poenis, vt in præfatis literis continetur ad quas &c. Cui citationi cum ipse compa-

rens parere nullo modo possit, cum ipse ab hac Ciuitate Venetiarum sub poena capitis discedere non valeat, neque illi ad Romanam Curiam pateat tutus accessus, neque per interiacentia loca securus transitus, ac præterea notorium sit, quod coram suspectis iudicibus citatur, attento quod notorium apud omnes est, quod ipse comparens sumpsit defendendam quandam Epistolam continentem octo propositiones in materia Censurarum à Sanctitate sua contra Venetam Rempublicam fulminatarum, quæ à præfatis Illustrissimis Dominis prohibitæ fuerunt, & contra quas Illustrissimus Dominus Cardinalis Belarminus integrum edidit tractatum, quam ob rem valde eidem comparenti Iudices præfati, salua semper in omnibus illorum reuerentia

*ad Cathol. Verit.* STVDIOSOS. 19  
rentia suspecti redduntur, cumque  
in Ciuitate Venetiarum adsit Sancti  
Officij Inquisitionis Tribunal, in  
quo ter in Hebdomada illius offi-  
ciales conueniunt, resident, & ius  
dicunt, quod etiam consuevit à tem-  
pore suæ Institutionis, vsque in præ-  
sens causas fidei cuiuscumque gene-  
ris tractare, in illis procedere, &  
etiam per definitiuam sententiam  
terminare, neque vnquam ad hanc  
ciuitatem, vllæ citatoriæ, aut moni-  
toriales literæ contra qua suis perso-  
nas ab Officio Sanctæ Inquisitionis  
Romanæ consueuerunt decerni, sed  
omnes eiusmodi causæ in eo Tribu-  
nali iudicantur, vnde nulla apparen-  
te causa propter quam præfatus  
comparens extra hanc ciuitatem  
debeat citari merito illius suspicio  
augetur: Quibus stantibus prout  
stant, & ipse comparens quatenus  
opus

opus sit legitimè probare se offert, protestatur coram vobis, quod paratus est quodlibet iudicium fidei in hac ciuitate subire, & ab omnibus sibi obiectis se expurgare, & si quando poterit secure ex hac ciuitate & Dominio exire, paratus est ad quæcumque loca sibi non suspecta, & coram non suspectis iudicibus comparere, & fidei suæ rationem reddere, protestans pariter, quod semper tenuit, ac in præsentiarum tenet Sanctam Fidem Catholicam Sanctæ Romanæ Ecclesiæ, quæ continetur in professione Fidei Sanctæ Memoræ Pij IV. quam sæpe emisit, & paratus est vsque ad effusionem sanguinis confiteri. Quapropter ad nullos actus contra ipsum in Romana Curia, aut in ipso Sanctæ Inquisitionis Romanæ Officio de iure deueniri posse. Protestans de nullitate  
omnium,

omnium, & ſingulorum, quæ in eius  
abſentia, ſtantibus præfatis legiti-  
mis impedimentis, agentur, aut tra-  
ctabuntur, ſalvis omnibus aliis ratio-  
nibus, & iuribus ſibi in præmiſſis, &  
in aliis quomodolibet competentibus,  
& nihilominus ſi quidquam  
contra huiusmodi ſuam proteſtatio-  
nem attentatum fuerit ex nunc, pro-  
vt ex tunc de iniuſtitia, & de grau-  
mine, & de illorum nullitate pro-  
teſtatur, ac ab eis, & ab illorum quo-  
cumque ex nunc provt ex tunc, pro-  
uocat, de nullitate dicit, & appellat  
ad illum ſiue ad illos ad quem, vel  
ad quos, ac ex nunc provt ex tunc  
Apoſtolos petit, non ſe aſtringens,  
&c.

*Præſen-*

*Presentata, & Accepta in tribunali  
Sanctæ Inquisitionis Venetiarum, ut  
statim Romam transmitteretur intra  
tempus in monitorio præfixum coram  
Notario, & Testibus ut in actis, die  
9. Septembris 1606.*

**Q**Vibus non obstantibus, immo  
neque ipsarum vlla mentione  
facta, supra posita denunciatio con-  
tra me publicata fuit, qua declaratus  
sum in excommunicationem maio-  
rem latæ sententiæ, atque alias pœ-  
nas, ut ibi, &c. incurrisse, tantum ob  
non paritionem, planè (quod salua  
reuerentia dictum sit) contra omnia  
iura Diuina, atque humana: nam  
quis cum euidenti, certoque pericu-  
lo mortis parere tenetur literis cita-  
toriis ad respondendum de fide?  
Quis trahi potest extra tribunal lo-  
ci, in quo habitat, in prima instantia,  
Romam,

Romam, cum alibi fieri id commode poſſit, & præcipuè Venetiis, cum ſecundum concordata cauſæ Sanctæ Inquiſitionis, eorum qui Venetiis degunt debeant Venetiis agi, & terminari. Quis poteſt dici non paruifſe, qui de factò fidei profeſſionem fecit, pro qua facienda Romam citatus fuit? Quæ cum ita ſint, Primo Deum Optimum Maximum, cuius cauſam defendi deprecor, vt Eccleſiæ ſuæ, promptis remediis ſuccurrat. Deinde eos quorum intereſt obteſtor, vt omnes ſimul congregentur in vnum, hæſque controuerſias de meo, & tuo, quæ inter Eccleſiaſticos, & Laicos per ſæpe magno cum Eccleſiæ detrimento, & ſcandalo oriuntur aliqua ratione diſcrimant: vt tandem ſpiritualia à ſpiritualibus, temporalia à temporalibus magiſtratibus adminiſtrentur,  
**amota**

amota Babylonica confusione. Denique omnes Christi fideles obsecro, ut causa mea cognita considerent, an iugum nostrum factum sit importabile magis illo, de quo dixit Petrus, quod neque nos, neque Patres nostri portare potuimus. Et nihilominus me in Catholicorum scriptorum numero, atque adeò in Ecclesiæ communione retineant, qui pro veritate tuenda, hæc patior, cum certus sim, cum Apostolo, quod nemo sit, qui possit me separare à charitate Christi, & Ecclesiæ nisi prius ipse me separauero, quod certè non effeci, sic me Deus adiuuet, & Sancta Dei Euangelia.

Contra veros Proteruos has duas conclusiones in loco tuto defendendas suscipio.

Si quis dixerit aliquem posse à Christo aut à Catholica Ecclesiæ commu-



*ad Cathol. Verit.* STUDIOſOS. 25  
communione ſeparari, niſi prius ipſe  
ſe ſeparauerit : Eſt Hæreticus.

Si quis dixerit, aliquem ſine ſua  
culpa excommunicatum ob hoc  
tantum, quia non auditur Pontifex,  
vel eius miniſtri non audiuntur, cum  
audiri, nec poſſunt, nec debent, ve-  
rè, & validè excommunicatum eſſe:  
Eſt hæreticus, ac proinde ipſe eſt  
excommunicatus.

*Ego Ioan. Marſilius.*

B

*Ampliſſi-*

*Amplissimis, ac Reuerendiss. DD.*

S.R.E. CARDINALIBVS,  
PINELLO, ASCVLANO,

Sanctæ Cecilïæ, de Ciury, Blanchetto, Arigonio, Bellarmino, Zappatæ, de Bubalis, Monopolitano Nuncupatis Generalibus Inquisitoribus.

*Amplissimi & Reuerendissimi DD.*

**C**Oram vobis, Ego Frater Paulus Venetus Ordinis Seruorum compareo per has litteras, ac humillimè & subiectissimè deprecor vt ad examen reuocatis iis, quæ contra me in congregationibus vestris acta sunt, has meas exceptiones contra illa recipere, & admittere non dedignemini. Etenim sub die  
20. Septem-

20. Septembris in congregatione vestra decretum fuit, ne diuulgaretur, aut legeretur, vel retineretur à quoquam libellus Italico sermone à me compositus; cui titulus est, *Considerationi sopra le Censure della Santità di Papa Paolo Quinto, contra la Serenissima Republica di Venetia, nec non alius cui titulus, Apologia per le Oppositioni dell' Illustrissimo, & Reuerendissimo Signor Cardinal Bellarmino alli trattati, & resolutioni di Gio. Gerson, sopra la validità delle scomuniche, ac alius à me cum aliis sex inscriptus, Trattato dell' Interdetto della Santità di Papa Paolo Quinto, cum nonnullis aliis eiusdem argumenti ab aliis compositis, & etiam cum omnibus componendis, tanquam in illis plurima, temeraria, calumniosa, scandalosa, seditiosa, schismatica, erronea, &*

hæretica , respectiuè deprehenderentur.

Deinde verò die 30. mensis Octobris decreta fuit contra me citatio per edictum in Romana Curia affigendum sub excommunicationis lætæ sententiæ pœna , necnon & perpetuæ infamiæ , ac priuationis omnium , & singulorum officiorum , & dignitatum , ac aliis pœnis per canonicas constitutiones inflictis , & arbitrio vestro imponendis vt intra terminum 24. dierum per me ipsum , & non per procuratorem compaream ad respondendum de fide , & me ab omnibus expurgandum. Cum fide dignorum , iuridica attestatione , ac aliis documentis constare affereretur , tutum accessum ad me non patere. prout in præfatis decretis , seu edictis impressis plenius , ac latius contineri dicitur, ad quæ &c.

Et

Et quidem Amplissimi DD. ego iuxta Sancti Petri præceptum semper paratus fui, cuique poscenti rationem reddere de ea, qua viuo fide, & spe, ac fidei iudicium publicum in Ecclesia maximè salutare, ac necessarium esse constanter affirmo, ne omni vento doctrinæ circumferamur, & ne ab iis, quibus quæsitus est pietas, incauti deciperemur. Verum sicut huius Sacræ & Sanctæ rei vsus est apprimè salutaris, ita inter omnia abusus est maximè pestilens, ac perniciosus, dum innocentibus eo prætextu contra omnia diuina, & humana iura quandoque inuidia concitatur, & indefensi odiis onerantur, & opprimuntur, & sana doctrina profligatur qua mundus, & Respublicæ, iuxta Euangelica & Apostolica instituta, reguntur, & constant: Ego sanè nihil magis opto,

30 FR. PAVLVS VENETVS  
& cupio, quam vobis omnem obedientiam, & subiectionem præstare, & fidei meæ rationem reddere, neque enim lucem fugio, vt qui doctrinæ Catholicæ innixus (provt Dominus præcepit) Cæsari, quæ Cæsaris sunt, & Deo, quæ Dei sunt, reddidi. Verum ea est temporum conditio, vt huc vsquæ multa euenerint, quibus exploratum omnibus reddatur, me à citatione, & mandato vestro excusari.

Cum enim nullo seruato iuris ordine, libelli præfati auctoribus inauditis, interdicti, & prohibiti fuerint, nec ex illis excerptæ sint & signatæ, ac censuris propriis per singulas notatæ sententiæ, & propositiones vt cuiusmodi essent, & viderentur, manifestum per singulas fieret, quemadmodum olim, & in Constantiensi Concilio præsertim, fieri mos obtinuerat,

*ad DD. INQUISIT. GENER.* 31  
nuerat, sed, & nouo, & inaudito  
more, artificiosaque oratione, in il-  
lis contineri plurima temeraria, ca-  
lamniosa, scandalosa, seditiosa, schif-  
matica, hæretica respectiue pronun-  
ciatum fuerit: ita vt ob orationis  
obscuritatem, & aduerbij intermi-  
natam limitationem non appareat,  
an illis nominibus omnibus, omnes  
libelli prædicti damnati fuerint, vel  
quo nomine quilibet dignus cen-  
seatur, atque eius rei gratia id fa-  
ctum fuerit, vt quodcumque, &  
quicquid libitum fuerit, & futuro-  
rum negotiorum rationes suaferint,  
de illis dicere liberum, & integrum  
reseruaretur, neque interim sua au-  
ctoribus defensio occurrere posset.  
Cumque etiam de toto argumento  
eodem conscribendi libri omnes iu-  
ra, & rationes Reipublicæ Venetæ  
complexuri, iam damnati fuerint,

finis cuicumque prætenſæ liti contra quemlibet eorum iurium, & rationum enarratorem, & aſſertorem impoſitus fuit. Quapropter Ampliſſimi Domini cum iam ſententia (licet ambigua, & innumerabilibus modis explicanda) de libellis per me compoſitis pronunciata ſit, poſt tantum præiudicium mihi inaudito illatum, nunc contra me iudicium aliud tanquam reintegra conſtitui, & me in illud vocari, & poſt pronunciata ſententiam citari, nullo iure decet.

Neque præterea eſt quod ego poſſim iudicium ſincerum arbitrari, cum inter alios ſedeat iudex Ampliſſimus Dominus Cardinalis Bellarminus, qui in libello, cui titulum fecit Italicum, *Riſpoſta del Cardinal Bellarmino al trattato de i ſette Theologi di Venetia, ſopra l'Interdetto della*



*la Santità di Nostro Signor Papa Paolo Quinto, & alle Oppositioni di Fra Paolo Servita contra la prima Scrittura dell' istesso Cardinale*, se maximam iniuriam à me accepisse ex præfata Apologia apertè profitetur, & cum sibi obiecta minimè diluat, maledictorum aceruum in me cumulat, & vndique vindictam spirat, atque eam ob rem ab instituendo contra me iudicio, vel ab interueniendo (tanquam iudex) in instituto abstinere debuisset, vel Dei timore, & propria conscientia deterrente, vel saltem ne cuiquam scandalo propterea esset.

Accedit quod cum iam promulgatæ fuerint sententiæ, & censuræ contra Serenissimum Principem, Senatum, & Rempublicam Venetam, & contra illorum fautores, adhærentes, & consultores, quibus ego

34 FR. PAVLVS VENETVS  
ex obedientia, & cum benedictione R. Patris Prioris Generalis mei Ordinis Seruorum: pro Theologo, & Ecclesiastici Iuris Consulto inferuio, infensum in me animum, sicut alij dissimulare non possunt: ita ego non perhorrescere nequeo. Quæ cum omnibus pateant longiori enarratione non fuerant explicanda.

Cum vero fide dignorum (vñ asseritur) testimonio, ac alijs documentis vobis constet, ad me, pro exequenda citatione personalis, non dari tutum accessum, iisdem etiam, mihi ad vos accessum esse minus tutum, & intutissimum, multo clarius constare oportet: quamobrem & me onere, id vobis probandi, quod omnino facturus eram, subleuastis, si enim vobis potentissimis viris, vel vnius citationis exequendæ facultas non suppetit, mihi omnium

nium minimo, & vestra, ac vestrorum communione absente tutus erit per vestros transitus, tutus erit ad vos accessus?

Nec in postremis ponendum est quod Serenissimi Principis interdīto discessus ex hoc Dominio Ecclesiasticis prohibitus est, cui in primis mihi obedire oportet, tum ob communes cum omnibus rationes, tum quia spiritali seruitio Reipublicæ regulari, ac legitima obedientia adiuncto non modo à Dominio, sed neque Ciuitate (nisi impetrata facultate) discedere licet.

Quod ad me attinet, Amplissimi Domini, paratus sum cuicumque fidei meæ rationem reddere, & quibuscumque iudicibus non suspectis respondere, atque ad quæcunque tuta loca propterea proficisci.

Quæ cum ita habeant, vos per

aduentum maximi, & tremendi iudicis, (apud quem personarum acceptio nulla erit) obtestor, ne in vermem, aut canem mortuum persecutionem intendentis, sed (provt ius exigere constat) exceptiones meas contra iudicium, iudices, & locum admittatis, & de iure factas pronuncietis. Quod si aliter à vobis factum fuerit, coram Deo, & Sancta Ecclesia de nullitate vestri Decreti, & vltioris cuiuscunque processus dico, & Diuinæ protectioni me committo, & curam mei in illius maiestatem coniicio: quod si à vestra communione (provt comminamini vos facturos) separatus fuero contra omnem diuini, ac humani iuris dispositionem, Deo adiuuante, æquo animo ferre paratus sum, certus cum Gelasio, quod apud Deum, & eius Ecclesiam neminem grauare potest

potest iniqua sententia. Commi-  
nata infamiae perpetuae poena minus  
concutior, dicam cum Sanctissimo  
viro. Senti de Augustino quicquid  
libet, sola me in oculis Dei con-  
scientia non accuset: monuit olim  
Sanctus Petrus, nemo vestrum pa-  
tiatur, ut homicida, aut fur, aut ma-  
ledicus, aut alienorum appetitor, si  
autem ut Christianus non erubescat.  
Maximè cum Sanctis Apostolis gau-  
debo, si pro Christi, & Sancti Apo-  
stoli Pauli doctrina contumeliam  
patiar. Sed quod pro exponendis,  
ac defendendis iuribus Catholicæ,  
ac Potentissimæ, & toti orbi vene-  
randæ Reipublicæ infamia notan-  
dus sim, non erubesco. verum quod  
etiam pro defendenda memoria, &  
fama Ioannis Gersonis Christianissi-  
mi Doctoris, & Excellentis doctri-  
næ, ac pietatis viri, & de Romana  
Ecclesia

Ecclesia optimè meriti, infamiam  
 sum passurus, libens sustinebo. Euan-  
 gelicæ & Apostolicæ doctrinæ pu-  
 ritate, ac tantæ Reipublicæ clarita-  
 te, & piissimi doctoris celebritate  
 iniustæ, ac immeritæ infamiae no-  
 tam delendam fore confidens. Pœ-  
 nas vero priuationis officiorum, &  
 dignitatum, quas vltra excommu-  
 nicationem comminamini, nihil  
 moror. Nulla officia, nullas digni-  
 tates, aut volo, aut etiam oblatas  
 sum recepturus, In qua vocatione  
 me Deus constituit, diuino seruitio  
 incumbere decretum est, huiusmo-  
 di illi, qui eas pœnas putant, com-  
 moueantur, Ego maximum puto of-  
 ficiū, maximam dignitatem in  
 hoc humili, & infimo gradu perpe-  
 tuo viuere.

Interim vero cū ob præfatas, &  
 alias opportuno tempore, ac loco  
 allegandas

allegandas causas ad vos venire ad reddendam verbis rationem fidei minimè possim per opera ante acta, & per agenda in pòsterum integram rationem reddidi, ac reddam, eamque obseruantiam, obedientiam, ac fidem, quam ante (præsertim tot annis, quibus Romæ versatus sum) vobis detuli, integram seruabo, sperans Deum mihi opportunitatem, spatium, & causam oblaturum, vt innocentiam meam vobis, & vniuerso orbi comprobem, ac tempore illi accepto me exauditurum, & interim facturum cum tentatione prouentum, vt sustinere possim. At vos obnixè deprecor, ac per Christi Domini aduentum, & vestrum officium, & in Dei Ecclesia locum obtestor, si quas sententias, & propositiones in scriptis meis reprehendendas duxistis (cum ex ambiguis prioris

40 FR. PAUL. VEN. ad DD. INQ.  
prioris edicti verbis id coniici ne-  
queat) illas excerpti, & suis nōmini-  
bus notari, iubeatis, vt ego vel iudi-  
cio vestro, cui semper maximè de-  
feram, adhærens, illas si minus cla-  
ræ fuerint, exponam, vel ampliori-  
bus rationibus, & argumentis com-  
muniam. Interim enim dum cum  
aliis aliorum scriptis, & sine speciali  
expressione, & cum ambiguo ad-  
uerbio damnantur, nihil represen-  
tatione dignum in illis inueniri ob-  
testor.

*Venetis ex Conuentu Seruorum.*

*Die 25. Nouembris 1606.*

FR A-



FRATER FVLGENTIVS

Natione Italus, Patria Venetus,  
Gente Manfredus, Fide  
Christianus Catholicus,

*Religione Obseruans Franciscanus  
Ordine Sacerdos, professione Sacer  
Theologus, officio Predicator veridicus,  
& vera Euangelica doctrina propugnator  
acerrimus, atque Apostolica  
vitæ sectator humillimus.*

Reuerendissimis in Christo Patribus, DD. Archiepiscopis, & Episcopis vniuersis vnà cum omnibus cuiusuis gradus presbyteris senioribus, clericis, ac personis Ecclesiasticis, cuiuslibet ordinis religiosi regularibus, necnon & cuiuscumque status laicis sæcularibus Christianis Catholicis.

*Gratiam*

*Gratiam Sancti Spiritus, Spiritum  
Christi, Zelumque Apostolorum.*

**A**D manus iam, vel ad minus  
notitiam vestram antequam  
meam arbitror peruenisse citatio-  
nem, & monitionem quandam S. R.  
E. Cardinalium X. Generalium in  
Christiana Republica Inquisitorum  
Romæ impressam, & affixam, ad  
vosque vestrorumque plurimos mis-  
sam: asserentium illammet in pro-  
pria persona mea iudicialiter exe-  
qui minimè potuisse, aut posse, cum  
ad me Fratrem Fulgentium, qui su-  
pra citatum in ea ac monitum, in  
hac Alma, præclarâque Venetia-  
rum Vrbe Catholica degentem, &  
commorantem tutus non pateat ac-  
cessus: proptereaque existimantium  
requisitionem ab ipsis per eorum  
Procuratorem fiscalem factam, ius-  
tam,

flam, & rationi consonam, ipsamque citationem legitimam, monitionemque canonicam, forma, & modo, prout in ea prolixius, abundantiusque continetur. Verum etsi easdem ipsas citatorias, & monitoriales litteras rationi dissonas; iuri omni contrarias à veritate alienas, nullam continere iustitiam, nullam servare legem, nullam prorsus redolere Christianam Charitatem perspicuum sit intelligentibus: atque illorum versutias, & calumnias, calumniatorumque, & accusantium malignorum depositiones non convenientes, falsasque agnoscentibus: quia tamen non omnibus ita hæc perspicua sunt, à quibuslibet ut clare perspiciantur, sequentia illis, vobisque ipsis notanda, & animadverenda erunt.

I. *Const. Aposto. lib. 6. c. 27. Sanctæ*

in

in primis Inquisitionis officium , & congregatio instituta videntur aduersus ( vt ipsimet etiam Inquisitores ferunt ) hæreticam prauitatem: quam sanè quidem omnes sanæ mentis & intelligentiæ cognoscunt esse , quicquid sit contra D. N. Iesu Christi Euangelium , ac fidem ab Apostolis eius traditam à Sanctis Patribus , ac Doctoribus expositam, perque eosdem à Spiritu Sancto in Generalibus œcumenicis conciliis declaratam , & decretam. Hanc verò integram, illæsam, incontaminatamque quum ipse idem Frater Fulgentius eiusdem professor , ac defensor semper & vbique professus sim , & defenderim , dicendo scribendoque, & nunc, vel hic maxime, haud certè scio ad respondendum de qua aut de quibus me expurgandum illuc coram ipsis , vel  
 ipsorum

ipſorum Generali commiſſario vo-  
cent, citéntque, ni forſan velint,  
vel dicant hæretica, prauáque eſſe  
(quod abſit) prophetarum, Apoſto-  
lorumque dicta, & immunditias Sa-  
crórum Doctorum, Sanctorumque  
Patrum ſententias, atque decreta,  
quibus Dei noſtri voluntas aperitur,  
Chriſti Saluatoris doctrina explica-  
tur, eius Fides roboratur, Fidelium  
illum ſequentium vita dirigitur, hæ-  
refes deteguntur, hæreticique con-  
uincuntur, errores refelluntur, vitia  
reprehenduntur, peccatáque ar-  
guuntur, ac peccatores ipſi redu-  
cuntur, & conuertuntur, abuſus ex-  
ceſſúſque prauí ( quibus religio no-  
ſtra Chriſtiana obſcuratur, & con-  
funditur) deteſtantur, è medio tol-  
luntur, ac denique virtutes ſuaden-  
tur, bonique mores instituuntur.  
His autem fermè omnis concio,  
omnis

46 FR. FVLGENTIVS  
omnis fermocinatio, omnis denique  
mea innititur, absoluiturque elo-  
quutio.

II. Ad hæc verò quis Fiscalis?  
vel ad quid pro eis fiscus? quum  
non de prædiis ampliandis, aut pos-  
sessionibus acquirendis, domibus  
construendis, aut suppellectilibus  
possidendis (de quibus prohi dolor,  
& pudor potissimum concertatur,  
per quæve cultus diuinus minuitur,  
Spiritualium cura negligitur, & ani-  
marum salus periclitatur) sed de re-  
bus fidæi tantum spiritualibus, de-  
que spiritibus ipsis, animabus (in-  
quam) agitur, & pertractatur, in-  
quisitio sine fiscali, correctioque si-  
ne fisco fieri debeat.

Quid autem à me expetitur, aut  
extorquetur, qui cum Petro Aposto-  
lo, Matth. 19. cæterisque omnia reli-  
querim sequens Christum Domi-  
num

num (provt suo me post. Apostolos perfectiùs cunctis exemplo docuit Pater meus seraphicus ipsius Domini imitator mirificus, vir vnde quaque Apostolicus Franciscus) nil profectò habeam, quod in aliorum fiscum, seu turpe sub hac specie lucrum, vel potius luxum contra Apostolorum vsum, ritum, institutumque, inferatur, & conuertatur?

III. At si per me malè actum, vel non rectè probatum quid eis relatum sit quod monitione, correctione, aut etiam punitione indigeat, aut dignum, quod per inquisitionem corrigatur, puniaturque, nonne adest hic inquisitionis officium, & Tribunal, & Generalis huius status Catholici Inquisitor assistentibus, cæterisque officialibus, qui bis, terque per hebdomadam  
con-

congregantur, resident, & munus exercent? A quibus à suæ initio institutionis ad præsens vsque causæ fidei, eæque grauissimæ pertractari, in illisve procedi, atque definitiua etiam sententia terminari consuevit. Quod quidem neque hoc ipso controuersiarum (quæ haud fidei sunt) tempore non est intermissum, aut remissum, nedum corruptum, aut sublatum. Et si fortè fortuna Inquisitor ipse, seu eius Commissarius, aut Officialis alius, quod hic per se æquè tractare, aut efficere minimè valuerit iustè, Romæ pertractandum, efficiendumque minus iustè, subreptitiè, & falsò transmiserit: Romanique ipsi Inquisitores, ob id, vel aliud figmentum vellent me in suis habere (vt dicunt) manibus, vigintiquatuor tantum dierum spatium (quo citationem



tionem ipsam pro vno, altero, & tertio, vltimoque peremptorio termino completam statuunt ad procedendum in me; vt personaliter compaream, simque coram ipsis assignare, nunquid non est hoc exterminare, extra terminos ponere, ac perimere? Eam vero appellare Canonicam, iustam, & legalem, diceréque (& audere) si ipse citatus dicto dierum spatio, quo litteræ citatoriæ huiusmodi affixæ ipsum arctent, non comparuerit, velle contra eum procedere, & procedi mandare iustitia mediante, nonne ridiculum est audire, & tyrannicum? Alias expertus cum Sanctissimo Vate dicere possum. Quoniam vidi iniquitatem, & contradictionem in ciuitate: cumque Ecclesiae: In loco iudicii impietatem, nullo iuris iustitiæve seruato ordine, quin-

C imò

imò contra omnem ordinem , Ius-  
 que omne diuinum , nedùm huma-  
 num , ac gentium etiam infidelium ,  
 qui absque fide & lege , præter na-  
 turalem : qua ( natura dictante )  
 Deum credunt esse mundi recto-  
 rem , ac iustum inquirentium se re-  
 muneratorem : iustè & ipsi iudi-  
 cant , ea , quæ legis sunt naturaliter  
 facientes. Contra verò facere , con-  
 trave rationem præcipere non so-  
 lùm iniusti , sed & tyranni est , Deus  
 enim Omnipotens impossibilia non  
 præcipit , ac in his , quæ præcepit  
 hominem ad ea , quæ sibi naturali-  
 ter , ac ciuilitè impossibilia sunt ,  
 minimè impellit , aut arctat : præ-  
 cepisseque eum aliquando talia af-  
 ferere , aut asseueranter dicere , hæ-  
 resis est. Hæreticum itaque pro-  
 nunciare , ac tyrannicum præcipe-  
 re , impossibile esse quis non sciat ?

Sciunt

*ad* DD. ARCHIEPIS. &c. 51

Sciunt ipsimet, & incunctanter affirmant litteras eorum citatorias ad me citatum nequaquam tutò peruenire posse: sciuntque, & scire multo certius debent memet, & multo minus ad eos personaliter accedere haud licere: sed neque hinc pedem extra mouere. Verùm & si liceret, & possem, cùm præfatæ citationis eorum notitia ad me die solum huius vigesima secunda peruenierit, qui fieri (quæso) potest, ut ad assignatam ab ipsis diem: quæ erit vigesima octaua eiusdem mensis, media hyeme hinc pauper, pedestris, pedesque nudus, non lectica, aut vehiculo, non curru, vel Rheda, aut equo, & sine pecunia & pera: (quæ norma eundi à Christo Domino præscripta est discipulis sancti eius Euangelij prædicatoribus) prædicans ipse Euangelicèque ambulans,

ambulans, illuc me conferam, transferam, vel potius tranfuolem?

IV. Et quæ (amabo) neceſſitas impulit, vel vtilitas allicit? vel ratio oftendit, aut æquitas (nè dicam charitas vrget) perfuadet me ſubtrahere panem (quod non fecit magiſter meus veritatis prædicator) hiſce confuſis paruulis petentibus, & qui eis frangat non habentibus, ſeu potius ob vanum iñius interdicti timorem: aut forſan aliquam exinde (licet in reliquis illud non ſeruent) expectationem non audentibus, veluti mutis canibus larrare non valentibus effectis, & ſic relinquere verbum Dei, quod Spiritus Sancti ope per os meum tanta cum præclaræ huius, Catholicæque Urbis Venetæ neceſſitate egreditur, tanta auiditate eſuritur, tanta attentione auditur,

ditur, mansuetudine suscipitur, ac  
utilitate retinetur? Volunt fortas-  
sis, vel cupiunt, Pastores hunc aliis  
populum Catholicum, piumque Sa-  
cris priuatum, pabulo etiam verbi  
priuari? Priuationis vero poenam,  
infamiae notam, atque excommu-  
nicationis sententiam, quas mini-  
tantur mihi, non formido, aut ti-  
meo: cum omnibus nedum rebus,  
sed affectibus ob Christi Domini  
sequelam sponte priuatus priuari,  
nisi Dei gratia, (quæ ab homini-  
bus sicuti non datur, ita non au-  
fertur) non timeam: neque per in-  
famiam, & bonam famam assuetus,  
ut seductor, & verax, infamari, nisi  
peccato, possim, quod solum facit  
infamem, & sine quo excommuni-  
catio infligi non potest, & si infli-  
gatur, indebitam, & iniustam, ac  
proinde non timendam Doctorum

34 FR. FVLGENTIVS  
sententiæ , atque Patrum decreta  
conclamant.

V. Quod etsi ipsorum successores aliter iudicantes , indignam , & malignam , vtpote indebitam , ac iniustam per testium inuidorum malignantium depositiones falsas , veluti iustam , & rationi consonam attenderunt Fiscalis , eorum quæ-  
rulantis requisitionem : cur non potius meam , quæ admittatur , nedum audiatur , dignam excusationem , & satis probatam rationem , nec non , & impossibilem accessionem , imo ad Romam accedendum , vel Venetiis abscedendum , aliterve respondendum , alio modo expurgandum , seu aliud faciendum , dicendum impossibilitatem non attendant ? sin verò non attenderint , sed aliquid indebiti , & iniusti contra me , ipsum sic absentem , & obedi-

*ad D D. ARCHIEPIS. &c.* 55

obedientem, Catholicumque credentem, ac Catholicè docentem, attentauerint, ex nunc prout ex tunc, coram vobis, & tota Ecclesia protector de iniustitia, grauamine, ac nullitate. atque à quocunque ex tunc prout ex nunc, de nullitate dico, deque grauamine, & iniustitia appello ad quem, vel ad quos ex nunc prout ex tunc, iudicium rectum non suspectum spectat, spectabitque: in nullo, ad nullumque me adstringens: paratus tamen semper ad satisfactionem omniposcenti me rationem de ea, quæ in me est, spe, atque fide: sed cum modestia, & timore conscientiam habens bonam: vt in eo, quod detrahunt mihi confundantur, qui calumniantur meam bonam in Christo conuersationem: Melius est enim, vt benè faciens (si voluntas

C 4 Dei

Dei velit ) pati quam malè faciens.  
 Utinam sibi ipsis, & vniuerso gregi,  
 attenderent, & non spiritibus erro-  
 ris: nec intenderent mandatis ho-  
 minum auersantium se à veritate:  
 sed neque fabulis, & genealogiis  
 interminatis, quæ quæstionem præ-  
 stant magis, quam ædificationem  
 Dei, quæ est in fide.

V I. Intendere autem, atque at-  
 tendere diligenter vos velim, Sancti  
 Reuerendissimique Patres, com-  
 presbyteri, confratres, ac commi-  
 litones mei in Christo, quæ oppo-  
 sita sunt ante faciem vestram. Quod  
 etsi vos ipsi non intenderitis, & at-  
 tenderitis, intendet, attendetque  
 certè Deus, atque videns, inqui-  
 rensq; in adiutorium meum in-  
 tendet: quemadmodum, & sua bo-  
 nitate, clementia, & iustitia, altero  
 ab hoc anno intendens, attendens,  
 vidensque,